

Bagadus skovváí: Divššohasmátkkit – mátkegoluid gokčanohtamuš

MAKKÁR GOLUID GOKČET?

Dus sáhtá leat vuoigatvuohta dárbbaslaš goluid gokčamii, go mátkkoštat almmolaččat dohkkehuvvon dálkkodeapmái ja ruovttoluotta. Váldonjuolggadus lea, ahte dutnje gokčet johtima hálbimus johtinvugiin ruvttofievrru mielde lagamus dálkkodansadjái ja ruovttoluotta. Dálkkodansadjái ferte leat unnimusat golbma kilomehtera, ja mátki galgá máksit eanet go báikkálaš unnimusmáksomearri. **Fuomáš, ahte gáibádusa galgá sáddet ovdal go 6 mánu lea vássán mátkki dahkamis.**

1. Divššohasa dieđut

Dása FERTE deavdit divššohasa persovdnadieđuid, sihke dalle go don ieš leat leamaš divššohas ja go leat mieđuštan divššohasa. Buot mátkegoluid gokčanohtamušat registrerejuvvojit divššohasa nammii.

2. Mieđušteaddji dieđut

Dán oasi don deavddát, jos dus lea leamaš mieđušteaddji mátkkis/mátkkiin, dahje jos ieš leat leamaš mieđušteaddjin. Jos don leat leamaš mieđušteaddjin, de fertet deavdit divššohasa persovdnadieđuid čuoggái 1. Don fertet bidjat mielddusin kopijja duođaštusas, mii čájeha ahte divššohas lea bohtán dálkkodeapmái, leažžat dal leamaš divššohas dahje mieđušteaddji. Fertet maid bidjat mielddusin dálkkodeaddji duođaštusa das, ahte mieđušteaddji lei vealtameahtun dearvvašvuođa geažil. Fuomáš, ahte divššohas dat vuostáiváldá mearrádusa.

3. Mátkegolut dálkkodansadjái ja ruovttoluotta

GOS/GOSA: Muhtin ásašusat leat biedgguid mángga čujuhusas. Danin lea mávssolaš čállit dálkkodansaji čujuhusa.

OVDAN/RUOKTOT: Russes dán ruvttui jos leat johtán ovdan ruoktot seammá geainnu, ovdamearkka dihte ruovttus dálkkodansadjái ja ruovttoluotta. Dalle it dárbbas deavdit seammá gaskka guktii.

JOHTINVUOHKI: Čále guđe fievrruin don leat johtán. Jos leat johtán mánggain fievrruin, fertet deavdit ovttá ráđa guđege fievrru nammii, ovdamearkka dihte jos leat johtán sihke fearggain ja busiin.

GALLE KM: Čále galle kilomehtera don leat johtán iežat biillain.

SUBMI: Supmi don deavddát, jos leat johtán ruvttofievrruin.

Jos jođat mángii dálkkodeapmái seammá sadjái, de sáhtát bidjat mielddusin sierra listtu, mii čájeha buot dálkkodemiid ja dálkkodanbeivviid. Fuolat, ahte dálkkodeaddji duođašta buot dálkkodemiid hárrái, ahte don leat bohtán dálkkodeapmái. Fuomáš, ahte johtingoluid gokčanohtamuša galgá sáddet sisa 6 mánu siste vuosttaš dálkkodeami rájes.

4. Máksin

Don fertet čállit kontonummira, masa buhtadus máksojuvvo. Don sáhtát válljet, ahte du mátkebuhtadus máksojuvvo eará olbmui go dutnje alcesat, ovdamearkka dihte du mieđušteaddjái.

Muitte čállit kontoeaiggáda nama. Fuomáš dattetge, ahte divššohas dat oazžu dieđu mearrádusas.

Supmit, mat leat unnibut go kr 100,-, eai máksojuvvo. Jos 6 mánu siste fas šaddá vuoigatvuohta lassigoluid gokčamii, ja supmit leat oktiibuot unnimusat kr 100,-, de dat máksojuvvo dalle.

5. Eará mátkegolut

Dus lea vuoigatvuohta oazžut gokčojuvvot eará dárbbaslaš goluid mátkki oktavuodas, ovdamearkka dihte geaidnomávssuid ja parkerengoluid.

6. Borran ja idjadeapmi

Dus lea vuoigatvuohta borranbuhtadussii, jos leat leamaš eret ruovttus eanet go 12 diimmu. Idjadanbuhtadusa mákset duodaštuvvon idjadangoluin, mat dus leat mátkki oktavuodas. Borramuša ja idjadeami gokčēt standárdamáksomeriid mielde, maid Stuorradiggi mearrida juohke jagi. Neahttasiiddus www.pasientreiser.no gávnnat dálá máksomeriid. Fuomáš, ahte divššohasmátkkit eai govčča biepmu ja idjadangoluid dan áiggis, go divššohas orru dálkkodansajis. Dat guoská maid mieđušteaddjái.

7. Vejolaš lassidieđut

Lassidieđuid čállinsadjái don čálát lassidieđuid, jos dakkárat leat. Jos visot ii čága ruvttui, de sáhtát čállit dieđuid sierra báhpárii, maid bijat mielddusin. Jos don ovdamearka dihte leat máksán geaidnomávssu ovttá mátkkis ja don ozat mátkegoluid gokčama mángga mátkkis, de lea mávssolaš, ahte don lassidieđuin čálát guđe mátkkis don leat máksán geaidnomávssu. Seammá láhkai, jos ozat borran- ja idjadanbuhtadusa mángga olbmo ovddas dahje mángga mátkki ovddas, de sáhtát dan čilget juohke mátkki sierra lassidieđuid sajis.

Mieđušteaddji lea massán bargodietnasa

Jos mieđušteaddji lea dearvvašvuođa ákkaid geažil vealtameahtun, de sáhttet buhtadit massojuvvon bargodietnasa. Dan gokčēt fásta máksomeriid mielde. Čále lassidieđuide, jos ozat ruđa massojuvvon bargodietnasa ovddas. Muite ahte fertet bidjat mielddusin bargoadi/rehketdoalli duodaštusa massojuvvon bargodietnasa hárrái.

Massojuvvon bargodienas fidnoroasmmuhuvvama oktavuodas

Jos dus leat jearaldagat massojuvvon bargodietnasa birra fidnoroasmmuhuvvama oktavuodas, čuodjalahte nummiri © 05515 dahje loga eanet neahttačujuhusas www.pasientreiser.no.

Iežasoasit ja friijakoarta

Fertet máksit iežasoasi buot divššohasmátkkiin. Fertet máksit iežasoasi goappáge mátkkis (ovdan ruoktot). Stuorradiggi mearrida juohke jagi iežasoasi sturrodaga. 2011 dat lea kr 130,-. Jos ovttá kaleandarjagi áigge mávssát iežasoasiid eanet go dihto supmi (2011 iežasoasserádjái 1 lea kr 1880,-) dálkkodeami, divššohasmátkkiid dahje dálkasiid ovddas, de dus lea vuoigatvuohta friijakortii, mii guoská iežasoasserádjái 1. Dalle don it šat dárbbáš máksit iežasoasiid kaleandarjagi loahpas. Go divššohasmátkki goluid buhtadanohcamuš meannuduvvo, de registrerejuvvojit du iežasoasit automáhtalaččat friijakoartaregisterii ja leat dađi mielde du friijakoartta vuodđun.

Friija buohcceviessoálljen

Jos don leat válljen dálkkoduvvot eará buohcceviessu, mii lea eará dearvvašvuođaguovllus go masa don gulat, de don galggat máksit stuorát iežasoasi, mii ii gula iežasoasserádjái 1. Jos dus lea dearvvašvuođafitnodaga spesialista duodaštus/čujuhus, mii čájeha ahte du guovllus eai sáhte addit vástideaddji divššu, de gessojuvvo mátkkis dábálaš iežasoasi.

Biilla geavaheapmi

Váldonjuolggadussan dutnje gokčēt mátkegoluid hálbimus johtinvuogis ruvttofievrru mielde. Biilagoluid gokčan eaktuda, ahte du dálkkodeaddji dokumentere ahte don leat johtán biillain dearvvašvuođa geažil. Jos mátkegolut biillain leat hálbibat go mátkegolut ruvttofievrru mielde, dahje jos mátkegaskkas ii leat eará johtinfálaldat, de sáhttet dutnje gokčēt mátkegoluid biillain johtimis standárdamáksomeriid mielde. Mátkegaska galgá dalle leat eanet go 3 km. Váldde oktavuoda iežat divššohasmátkkedoaimmahagain, mii diehtá leago eará johtinfálaldat.

8. Dárkkistanlistu

Fuomáš, ahte dálkkodeapmái gohččun ii dohkke duodaštussan das, ahte leat bohtán dálkkodeapmái. Duodaštussii galgá leat čállojuvvon beaivi, diibmoáigi, steampil ja dálkkodeaddji vuolláičála guđege dálkkodeamis, mas ozat buhtadusa.

EANET DIEĐUT?

Geahča láhkaásahusa, mii gieđahallá vuoigatvuođa oazžut gokčojuvvot goluid dan oktavuodas, go divššohas johtá iskkadeapmái dahje dálkkodeapmái (buohccisáhtostanoláhkaásahus) dahje geahča www.pasientreiser.no.

**Jos dus leat jearaldagat skovi deavdima hárrái,
čuodjalahte Pasientreiserii © 05515.**